

黃氏逸書考

自序

余束髮受書讀蘅塘退士唐詩三百首心竊喜之稍長習試帖觀近人所作館閣體翦裁破碎委曲赴題恆苦不能放筆年十六隨

先兄劔秋

爾銘

冕西

鈞赴鄂趨

庭時

先

君逸珊公已罷官僑居省門命習舉業諸兄閒居賦詩遣興余亦稍稍學吟先君謂退士所選專爲初學簡練揣摩而設特窺豹一斑耳因以寓中所有才調集唐詩別裁叩彈

集唐詩鼓吹清麗集唐人試帖諸選本命讀
及讀唐人試帖始知古人應試之作亦足傳
世非今之館閣體所能企 先君又授以文
選爲講李少卿與蘇武詩言古人臨歧惜別
情意纏綿音調悽惋獨高千古蓋有真性情
而後可以言詩初不必求之字句間也然愛
之而不能學也後汎覽全唐詩覺諸家選本
頗有遺珠而有宋詩家之自立門戶以變格
矜爲創獲者皆唐賢所已道未能出其範圍

也於此歎觀止焉余學既不深才又不逮性之所好不容自己顧一生精力有限而制義耗之天算又耗之又復飢驅四方數更府主年年壓線都爲他人索米長安者十許年宦遊皖粵者又十許年利那駒影不覺年八十矣點檢新舊所作都三百餘首釐爲五卷孫承霖請付剞劂余以未盡愜心欲自爲點定愧無侯朝宗一夕立就之才遂議刪汰承霖曰古人云在心爲志發言爲詩三百篇之作

大都吟詠性情直抒胸臆初未計工拙也儒家尊之爲經詩人奉爲鼻祖亦未有議其工拙者世之論詩者方且以瑕瑜互見爲大家修潔者轉遜一籌焉何刪汰爲余笑曰此言聊以解嘲姑徇所請令校錄付梓非敢問世以俟選家采擇云爾丙寅孟冬上浣王鑒識

懷荃室詩存卷一

維揚王鑒翁廷初稟

孫承霖履青

恭校

登紫琅山支雲塔

浮圖插雲裏危絕此躋攀
放眼海天闊披襟
俗慮刪微陽盪孤影暮靄鎖羣山
歸鳥一何急吾生任往還

望海樓臨眺

饒有登臨興危樓倚夕陽
望中辨雲水山外
轉帆檣海國波難靖
鮫人思正長乘風在何

日搔首對蒼茫

古劍

地老天荒一片鐵世上恩讐此能別鋒銚出
匣秋水寒光燄照人肝膽裂拂拭偶逢陰雨
時蛟龍猶吐千秋血吁嗟乎斂鋒韜銚莫輕
試眼前俱是不平事只須一日三摩抄那能
大快英雄意

崇川署中有病鞠未放雜於眾草中感
而賦詩

眾芳蕪葳雨風欺冷抱秋心卻向誰孤傲已
拚流俗棄荒寒終晦出羣姿任他蕭艾紛相
妬觸我霜天有所思千載柴桑人寂寂欲將
尊酒醉東籬

擬左太沖招隱

鬱鬱千尺松云是百年樹賦此棖棟質恐遭
匠石顧之子在空谷懷芳抱幽素非不裕經
綸乃爲煙霞痼飢餐秋鞠英渴飲幽蘭露欲
以終歲年倏然忘世故車乘自翹翹山中足

安步鶴鴻翔遼廓
邏者毋相慕

蒿萊滿荒徑
中有千歲芝
冉冉山上雲
去來不自知
清泉澹我心
巖石寄我思
豈伊簪組榮
邂逅得相羈
龍德難終潛
鷗侶不復疑
適然與道偕
出處憑自持
胡爲南山霧
終隱文豹姿
深山毋久留
與世明所期

哀李斯

闔豎當時舌有鋒
輶車裏計偏從
可憐誤爾終傾爾
地下何由見祖龍

曾作荀卿弟子行
忍教一火眾經亡
燼餘搜剔無完本
長使千秋聚訟忙

無復豪情上蔡游
臂鷹牽犬總休休
太倉羣鼠應相笑
自處何曾善自謀

新燕

杏子黃時候
年年待汝歸
趁春辭絕塞
戀主傷荆扉
白玉樓何處
烏衣巷已非
營巢休太固
託跡意多違

生小依人慣
何須去住商
偶然安陋巷
爲底

託明光相豈封侯誤身憐擇主忙漫言相識
乍知否六朝王

燒香曲

輿車紛逐如流水輕雲作羅霞作綺嬌蜂癡
蝶不識愁香街幾日填成市桂殿森嚴列尊
者翩然膜拜深深下煙霏霧靄迷復迷含情
脈脈身應捨菩提之樹明鏡臺紅蓮十丈想
像開香國旃檀爇未已真如密諦休輕猜道
場大會真無遮十方眾比恆河沙爐香灰盡

心不滅紛紛夢幻成空花曉巖石室鹿女蹤
慈雲法雨時相從天花恍惚呈色相何時夢
覺聞晨鐘

擬張茂先勵志

用原韻

北辰旋轉列曜四游律呂氣應循環以周隙
駒倥偬旋春倏秋晨光宵景如彼川流物
靈曰人是亦氣化百年一瞬如花開謝短兮
胡晝長兮胡夜毋爲廢棄中道而舍維古
賢哲雲霄一羽斯文在茲大力斯舉羹牆可

見盍秀其緒聞風興起予人規矩 緊爾脩
士無耽自逸業荒於嬉日復一日若作楚宮
椅桐梓漆所爲無本空抱美質 拘攬承蜩
掇之於林王良御車射者獲禽壹志凝神乃
從乎心左右逢源造道在深 星辰煥彩山
川出雲昭質無虧富以多文若農力穡作息
是勤阡陌旣治穰穰孔殷 涓涓濫觴源遠
流清草木萌芽翳翳晦冥敬器戒滿漏卮不
盈嘉彼鳴鶴九霄聞聲 譬如爲山自一簣

起君子脩業慎終於始治絲抽指經綸乃理
行旅不息邈迤萬里 坦坦周道遷義處仁
振以孔磬鳴以韶鈞日知所亡溫故知新有
爲若是毋讓前人

冬柳 用東坡尖叉韻

猶記眉痕一縷纖那堪受盡朔風嚴樓頭望
斷關山月篋裏愁膺突厥鹽膾有枯條牽客
艇更無飛絮撲朱簷祇今寂寞旗亭上忍凍
題詩退筆尖

數行殘照帶棲鴉不見當時油壁車猶記好
風逐春色且將新雪作空花簾櫳冷落章臺
館門巷荒寒處士家空說永豐坊外景綠陰
遮徧路三叉

題胡墨雲獨立圖

天地乃廬舍造物亦羈旅大道本同然斯人
皆吾與胡以君今日獨行傷踽踽豈爲世所
遺抑爲君所拒古人不可見誰復能古處君
懷千載上入世應齟齬是以厭塵俗翛然思

遠舉長爲清醒人獨得立足所此意無人識
流露在毫楮持此以問君問君笑不語

擬古

縹馬聞風顛地高不見日天風襟袖涼帝闈
何森鬱叩關欲自通得毋誚輕率徘徊待謁
者杳然終不出攬轡欲旋歸戀戀心若失咫
尺尙難知千里豈能悉

漢臯解珮人虛美不可恃安得兩地心涓涓
如此水幽蘭凜霜露花萎香不死芙蓉本清

下
三
言
不
潔泥淖惡能滓草木各有心人心寧不爾抑
知八極外無處無雲子

鷹隼凌風颺一擊幾千里當其息叢莽亦復
平平爾斥鷃搶枋榆顧影自矜喜不有勝者
形惡知技止此凡翮愛矜飛英拳不輕起嗟
嗟塵埃中潦倒青雲士

蘇小小墓

幾行垂柳帶朝煙油璧香車去杳然絕代紅
顏付坏土湖光山色自年年

登吳山望宋故宮遺址

一局偏安王氣微
此間真樂不思歸
忍教沙漠龍髯墮
長使中原羽檄飛
輦路寂寥空蔓草
禁門想像對斜暉
可憐錢俶輸忱處
留與他年作帝畿

聞程伯宇下第和郭外峯韻

憶昔著鞭日
朋儕屬望蒼
風雲增別感
煙月送征車
豈意澄清志
都成夢幻花
劉蕡仍未遇
金盞早歸家

我亦漂齷久他鄉況索居論文懷白也獻賦
讓相如近日詩情減何時斗酒儲離憂消不
得搔首憶三閭

寓齋有竹數竿爲枳棘所壓而瘦骨撐
拒干霄之志未降也

亭亭骨幹自超羣卻爲凡條屈此君近日籜
龍難耐得怒伸指瓜欲拏雲

孤山歌留別林處士墓

買得瓜皮艇日日孤山遊清涼世界常在眼

對此銷盡萬古愁山邊有水可濯足吾恐水
深不可測山前有路可徘徊荆榛莽莽連蒿
萊山中馬鬣巍然起昔有高人葬於此天教
一代清白身長此逍遙在山水我來湖上六
十日終日相看不相失陰晴晦冥萬象具處
士精靈自來去山有處士山不孤山靈得與
良朋居整衣謁墓緬高躅先生當謂吾不惡
書劒飄零到此間寥空倦羽將安託南風飄
飄吹我衣山前杜宇招我歸欲留不留意悵

惘先生使我長依依留詩一篇當鴻爪梅花
有情開莫早他時我與春同來再酌先生酒
一杯

題史繩之廉訪僧窗聽雨圖

溼雲漠漠兼天黑古樹銜煙蒼翠滴嬾殘芋
火愁不然西窗一夜雨聲急雨聲欲斷更聲
續雨中有客眠未足是時豺虎方橫行風聲
鶴唳皆可驚書劍漂蕩意慘澹連宵奈此打
窗聲人生失志豈有極雲蒸龍變誰能識不

數文章數戰功天風展盡旌旗色刁斗敲餘
聽凱歌君王終竟賞功多甘涼自古巖中外
不放明駝取次過柏府刑清鎮日閒邊聲怕
聽念家山偶然回首當年事蕭寺風光指願
間披圖約畧識君意君家落落好昆季平生
過從兩三人寥寥天壤風雲異我亦髫年值
亂離年年聽雨不勝悲拏雲心事終無著羨
煞扶搖奮翼時

送程伯宇孝廉之蘭州

有序

天生非常之人將隆以非常之遇也
必先迫以非常之窮蘇季子上書不
遇爲家人所不齒淮陰微時不能謀
一飯伊古以來如二子者何可勝道
噫天之生非常之人固困之若斯哉
或曰此天所以厚之也孟子所謂動
心忍性增益不能者也此說似也然
孟子懼天下之豪傑因所遭不偶遂
自棄耳故創爲是說以鼓勵之非謂

舜說諸人必如是而後當大任也然則天固未常厚非常之人歟則又不然夫非常之人屢經折挫必有自甘廢棄老死牖下而不悔者惟使之俯仰無所資升斗無所謀計無復之之日於是人所不能往之地而亦往焉人所不能爲之事而亦爲焉而風雲際會往往於此得奇遇焉季子不云乎使吾有負郭之田十頃豈能佩六

國相印哉此雖出於熱中其論自不
易也然則天固未嘗薄非常之人矣
吾友程伯宇慷慨好奇時有聳壑昂
霄之志弱冠舉於鄉屢應禮部試卒
爲主文者所抑今春報罷後囊橐蕭
然欲歸不得奔走於齊魯燕趙之郊
老母妻子日倚門閭而望無音耗者
六閱月北來之人傳爲已死邇者蹠
踵而歸衣短褐面目羸瘦神色沮喪

舉家驚爲再生吾謂伯宇於此極其
悲憤之氣殆將沈淪枯槁終身不復
與人世相接矣然而家無僮石老母
之旨甘未可缺也妻子不可聽其凍
餒也伯宇雖欲老死牖下其勢有所
不能近歲西陲多事大臣擁重兵以
備邊蘭州廉訪君之故人尺書相招
君起而應之吾聞蘭州爲古臨洮地
去吾揚幾萬里八九月間卽雨雪風

吹面如刀割山路崎嶇其險處不容
車騎懸厓峭壁下臨不測之淵行人
側身捫壁而過其人民猛悍水枯草
瘠非南人所宜嗟乎伯宇爲世所棄
幾爲溝壑中物幸得生還又復棄老
母妻子而事萬里之行雖伯宇意氣
不減亦由所值之境迫之以不得不
往也夫以伯宇之才當多故之日遘
需才之際此行其有合歟然則天迫

以如是之窮將有非常之遇償之未
可知也伯宇毅然辦裝即日就道行
之日作詩見志其悲涼感慨之中有
興高采烈之致此行其必有合也同
人皆贈以詩余亦不能無言爲五言
一首凡二百六十言

鳳凰羈於絃聞風思振翮壯夫不得志俛仰
天地窄家食雖云甘倏忽駒過隙古人請長
纓萬里猶咫尺程子天下士豪氣邁千百流

輩耽俗學汲古獨有獲酒酣視星辰咄嗟手
可摘皮裏自陽秋眼中無青白長懷沒世名
恐負濟時策幾度游京師未許一通籍裘敝
與金盡幾同吳市客迷離賦大招傳聞生死
隔慘澹忽歸來鶉衣露肘厥母妻淚如霰相
持看肥瘠勸定幾何時又復事行役彼蒼遇
君厚不與好田宅恐君事生產銳志遜曩昔
甘涼古巖疆軍書日交迫長吏知君才日暮
虛前席此行非草草籌邊在區畫西戎勢方

熾穹廬徧沙磧鏘歌待君作指揮獻俘馘我
亦思遠遊茫茫將安適中夜聞鷄鳴慷慨蹴
越石寧爲田舍兒安車乘下澤青天搏扶搖
腐鼠毋相嚇

月當頭夕待月不至

酒闌燭跋起徘徊十二闌千倚徧來欲訴幽
懷向誰訴廣寒宮闕喚難開
天上人間路幾多不同一水限銀河姪娥今
夕應愁絕深鎖重幃奈若何

闔闔冥冥望眼空
掃愁何處借長風
怪他吳質空持斧
不斫雲根斫桂叢

罌粟

又是春光歸去時
憐伊爲底最開遲
晚粧帶雨嬌難起
解舞臨風弱不支
漫以爭妍愁日暮
更無聊賴對將離
紅顏豈必真傾國
莫共虞兮一例悲

猶記三秋月下栽
幾經醞釀見重臺
東風十日齋糧去
細雨連朝浙米來
野鳥啄殘紅豆

粒宮鶯啼破錦雲堆無端散作煙千縷贏得
芳心寸寸灰近日以此花熬膏就火吸之幾
與淡巴菰競勝其法始於印度
今則中土無地不然田家舍
九穀而貪種此花爲利厚也

由安州赴潛江道中作

驅車出南關輪轉客心速微雨從東來炎威
忽潛伏土滑輪易駛行急地爲縮雙車或軒
輕粼粼聲相逐回視吉陽城已被蒼煙覆

曉行驚鷄鳴開門月在天青露著衣襟涼意
透我肩農夫急耕耨荷鋤已在田山色如相

迎蒼翠橫車前樹密知有村水咽知有川車
人行已疲遙指墟中煙

河伯忽肆虐洪流間驛路恨無祖龍鞭太息
公無渡棄車犧小艇江闊蛟龍怒逆流犯波
濤涉險虞日暮吾生何勞勞推蓬羨鷗鷺

水窮舟不前登岸易而騎蹇驢荷行李病馬
強牽轡揮鞭適蒼莽緩步如酒醉陟岡履危
橋據鞍防顛墜安能開天殿折衝馭騏驥

行行又水濱倉皇復登舟笑我不憚煩水陸

紛相投人生非飢驅胡能輕遠游浮雲任天
風飄蓬逐江流可知田舍翁倚杖南山頭

題舒節母傳後

飄風摧動草根傷節不移鐵椎擊連環性堅
質不虧一門殉忠烈獨存非所期良由彼蒼
仁冥漠相維持古井竟無波河流失漣漪蒼
黃覓死所倥偬無所之豈非有鬼神留以存
孤兒志烈豈戀身搯吭甘如飴鄰里驚相拯
父老前致詞門祚苦衰薄天幸餘子遺此非

異人任姑命安可辭息微語斷續涕淚如亂
絲扶起應以頷今幸聞箴規且留未亡身上
慰泉下思寒機嚴中宵篝燈明書帷書聲與
機聲纍纍如相隨丹山氣自厚策名步良時
狂寇伏鈇鎖皇路歌清夷國恩旌義憤典禮
胥如儀姑命幸不辱夫志幸未墮功成懷首
邱正命存綱維若非未了事婺宿歸何遲馮
夷爲清道慘澹開靈旗貞氣不磨滅母儀萬

古垂

搜西村

雅柏廟者潛之西鄉也有盜竊發其中令聞之大張鼓角聲罪致討至則遁焉令返而其地遂爲盜藪爲詩絕之曰搜西村

雅柏叢祠狐忽鳴星星篝火中宵驚妖氛毒霧礙人行白晝報讐不血刃黑風捲地橫蠻陣去來飄忽不一瞬近歲中興洗兵甲四夷賓服王化洽醜虜敢侮天子法里胥霄奔報

官吏大令勃然集眾議爲虺不摧後難制
葵伐鼓出西郊弓刀簇簇各在腰雷奔電掣
氣象超荏苒小醜敢較力潛蹤匿影不能得
日光掩映旌旗色收旗臥鼓唱凱歌軍吏歡
傾金叵羅長蛇封豕可若何

白菊花和甘茂才

託根清淨莫輕移慰我吟身傍短籬聊與
離分暮景任憑桃李占春時涼深月夜人歸
早秋老霜天酒熟遲回首南園好風日荒江

瀕起故鄉思

冰作肌膚玉作根清霜冷月亦溫存素衣稱
體佳人服白板蕭條處士門傲性肯容簪破
帽多情相伴醉芳樽著緋腰紫紛紛是莫把
金英共品論

劫後芳姿總不如叢叢冷豔趁霜舒水邊紅
蓼花開後江上丹楓葉墜初一種孤高拚世
棄半生冷落愛村居忍寒禁凍生來慣不藉
東風著力噓

栽時莫漑出山泉老圃風光小
謫天掃徑客稀誰與摘捲簾
人瘦懶爭妍素心禁得霜華
重玉藥開同月影圓我有芟荷衣
舊製與君廝守共年年

羣芳歇後世方驚出落精神分外清
贈縞共尋他日約漉巾記取舊時盟
相逢遲暮渾閒事閱盡炎涼是此生
只有淵明最知己虎溪過訪水盈盈

天教管領屬詩人別有丰姿到眼新
鏡裏霜

痕侵綠鬢愁中風味減朱脣已醒塵世繁華
夢無恙清流嘯傲身治菜倡條今在否當時
工笑復工顰

眼前朱紫受人憐留得清操玉樣堅澹到無
言殊落落近來消瘦更娟娟不堪上苑供宸
賞只合瑤臺作散僊日暮閒庭人寂寂薄寒
天氣裊爐煙

三徑荒餘獨自芳亭亭瘦骨耐秋涼謝他金
馬長安客消受銀蟾五夜光本色最宜高士

宅幽懷應炷令君香爲憐身世甘瀟灑漫說
人間金屋藏

苦雨謠

天狐製酒飲天公冥然一醉胡夢夢雲將矯
詔閉閭闔江城日日飛雨工羲和上訴遘譴
謫鎖入天牢不得釋今年河伯忽肆虐閭閻
盡作蛟龍窟況復天龍爲援應倒瀉銀河助
潮汐安得長劒忽在手斲斷雲腰見朝日我
聞晉豫憂赤旱流亡枕藉溝中滿挹此注彼

原缺

子雲著書同上天祿閣春蠶作繭自縛身何
如莊惠逍遙共證濠梁樂大江東流去若斯
撫今追昔徒淒其破涕欲使唐衢笑開懷不
作阮生悲青鞵布鞵杜子美筆牀茶竈陸天
隨閒身無恙卽爲福世間難醫惟有俗我今
與君幸免此彼蒼矜寵謂非獨論交定不讓
謝范抗顏差可擬顧陸敢輕餘子爲陳人任
憑舉世呼癡叔投契爾汝忘縱譚更漏促詩
禪參上乘命騷作奴僕吐屬皆天成輕車就

路熟墜露飲朝蘭落英餐秋鞠泥塗甘棄軒
冕貴藩籬耻效羝羊觸醉鄉日月無古今吟
社生涯何榮辱但使樽中酒不空休問盃中
飯不足大鵬斥鷃豈殊科安論雄飛與雌伏
狂呼四顧若無人雖云嬉笑當痛哭我歌聲
高天亦驚天爲有情西北傾縱有金凡不能
勝五賊混沌未鑿方可學長生

懷荃室詩存卷二

維揚王鑒翁廷初橐

孫

承霖

履青

恭校

潛陽弔古

古墓荒涼宿草春
居民約畧說春申
可憐女謁終階屬
未必臣心絕
點塵珠履登堂稱
得士素車酌酒屬
何人可知狗盜鷄鳴輩
猶出

田文狼虎秦

春申墓

想見當年顧盼雄
森嚴遺像野祠中
遨遊蜀漢襟懷闊
脫畧君臣際遇隆
坊謫何曾累清

德椒房底事掩元功雲臺縱缺褒忠典爭似
民間俎豆崇

馬新息侯廟

俞潭城郭鎖煙煤形勝爭傳漢將才百戰軍
威今尙在三分天意竟難回氣吞直北前鋒
銳援失江東霸業摧曹社吳宮俱寂寞又看
五馬渡江來

俞潭城 關壯繆屯兵處

白鶴高飛去未還獨留破壁在人間偏安天
子憐殘宋跋扈將軍駐伯顏此虜能詩原不
惡孤兒失據問誰攀臨風無限興亡感衰草

連天戰血殷

白鶴壁
鶴寺題詩壁

元伯顏敗宋駐軍白
上今其壁尙存

別諸生

鷓鴣時一鳴眾草芳意歇
風光疾彈指攬鏡
驚華髮羈棲歲一周孤負二分月
游倦思息
影鄉心一朝發舟人艤艇俟行色
殊倉卒平生二三子送我至城闕
今日東門道明日胡
與越執手立斯須夕陽欲西沒

共磨此鐵硯欲以干明時
之子皆雋才翩翩
鸞鳳姿漫言眼中人
鈍翮久襍襪桂宮曾夢

游姬娥半面窺十年委塵埃初志已差池江
淹屬才盡李廣憂數奇此行殊草草何以慰
所期他時到蓬萊莫笑倒縹兒

天河

萬古西流水昭回直到今隨時自明滅閱世
幾浮沈兵甲何年洗風波是處深還應泛槎
去漢使好相尋

初日

不逢三五候此夕墊仿微幾度雲相掩滿天

星未稀魚龍驚避影蟾兔漸騰輝皓質豈終
蔽旋看明鏡飛

擣衣

西風逼寒信萬戶競長宵杵急月應碎眼穿
天更遙帶圍舊寬窄歸夢今寂寥同此淒涼
況邊城夜擊刁

歸燕

來時花作國去日草先秋朱戶辭新主烏衣
感舊遊光陰增別思風雨動羈愁莫戀營巢

固殷勤爲爾留

隋隄柳

玉樹歌已闌錦帆連天起誰知李花開終見
楊花死長隄依舊春風度眉黛腰支更誰妬
荒榛零落斷煙橫行人淒絕揚州路

蜀岡茶

朝出城西頭崎嶇登蜀岡當年種茶處寂寞
空斜陽顧渚行商久不回浮梁消息已成灰
貢亭舊蹟埋荒草賸有村童牧豕來

闍黎鐘

窮途涉塵俗豈免遭白眼
世事只如此寺僧亦何限
壁上猶存去後詩
碧紗作籠休道遲
人情今昔渾無定
惟有鐘聲似舊時

江心鏡

神物雖寶貴空餘江水流
何如張九齡金鑑垂千秋
江頭明月如鏡圓
盛事爭傳天寶年
神仙已去鏡安在
明月團圞常在天

和黃叔符詠棋原韻

懷者室言存
人定多應可勝天箇中妙理豈徒然運籌算
莫通盤誤進步機爭一著先未必雄心容我
逞漫因雌伏受人憐紛紛只解論成敗守黑
方爲第一禪

安用機心到處防欲將坐隱擬濠梁智能料
敵九天上才詡過人十倍強笑我局中誰勝
負憐他世上幾興亡奇功出險關天幸趙璧
休誇赤幟張

一蹶須防失滿盤從來劫急解應難攻心不

恃前鋒銳制勝須教虜氣寒鹿走中原歸捷
足龍爭千古戒偏安年來嬾闔機鋒巧清簟
疎簾袖手觀

和蘇東坡詩

原序謂歲晚相與饋問爲饋歲酒食
相邀爲別歲除夜達旦不寐爲守歲
當時蜀中風氣如是今則無地不然
不必蜀也然先生欲歸不得余則寂
守鄉土用此自多矣因用原韻以誌

所懷

北風催暮景貧富爭相佐豐歉各有宜努力
列珍貨歲時幸無恙所得謂非大朱筐羅金
盤襪襪隻鷄臥猩脣及鯉尾提攜北海座相
報必相稱往還蟻旋磨平居豈免俗良時莫
虛過一吟白雪詞慚愧巴人和

饋歲

人言歲行疾吾言歲行遲去日雖苦短來日
猶可追不同人世別悵望各天涯今日別歲
去明日相見時鄰里豔新釀錯雜陳鮮肥歡

呼樂何極不作臨歧悲歲去且復留聽我前
致詞明年汝重來還我鬢毛衰

別歲

浮生一世間失時則龍蛇川逝不可停歲去
豈能遮消息任自然造化謂我何舉酒竟此
夜酩酊醉不譁坐待晨鷄鳴靜聞街鼓擗華
燭已見跋斗柄當窗斜春華幸未艾安用悔
蹉跎際會自有時勿謂斯言誇

守歲

謁陸象山祠

祠在荊州城外

步出城西門尋幽酌龍泉荒祠簇山阿俎豆

祀名賢整冠謁遺像如在春風前後世稱朱
陸聚訟何紛然良知宗孟氏闡道存真詮考
亭雖異同得力豈殊懸宗派遞相授其極乃
天淵眾水發昆侖分流各成川世人循其委
得魚嗟忘荃陽明獲玄珠獨能守其傳陋儒
苦相詆直欲操戈鋌先生道不孤芳徽足流
連出門聽泉聲白雲起山顛茫茫萬古中浩
氣彌垓垓

擬元遺山論詩

遺山先生有論詩三十首自建安以
來迄於元祐而降其間能詩者不下
數十百家先生摘其名之尤著者取
而論斷之或數人括於一篇之中或
一人見於數章之內而其人之得力
與夫詩家上乘隨手指示迎刃而解
其議論獨標正體西江一派已成變
徵之聲先生有微詞焉使古人可作
亦當心折以鍾記室之識力而能出

之以詩此千古之絕調也此外仍有
論詩三首非一時所作亦下筆有神
之後自道生平耳所云情知春草池
塘句不到柴煙糞火邊又云鴛鴦繡
了從教看莫把金針度與人真得失
寸心知之候矣余雅愛先生之詩尤
愛先生論詩之詩爰仿其體和成反
十首效顰之謂所不免焉

人間爲體久紛紜誰把元音共品論只爲後

賢思拔幟此中漸漸失胚醇

變雅悲涼與變風登壇蘇李一時雄窮愁自
寫生平況五字橫行萬古中

吟成團扇語無多如見深情託短歌合使紅
閨稱鼻祖左芬徐淑奈伊何

七子縱橫意態新思王格調更精醇當時除
卻劉公幹未許千秋有替人

下筆從來見性情阿瞞豪氣不能平平生真
處難瞞得醜酒江天獨架橫

骨力生來各有真，仲宣才調早驚人。
天教抗手曹劉座，體弱終難步後塵。

西北浮雲自足傳，曹家父子豈徒然。
一門才士誰能並，霸業終看委逝川。

笑他傀儡又登場，費盡心思效柏梁。
記取性真流露處，何關體格判低昂。

茫茫江海湧奇觀，豔說才華陸與潘。
說與淵明沖淡境，始知白戰本來難。

大雅無人肯問途，裁紅刻翠總區區。
世人爭

效齊梁體不重圭璋重砒砢

謝家山水有精神得力無非境地真爲問池
塘春草句千秋衣鉢屬何人

惜芳情思聽啼鵑一日離懷闊似年得解祗
應詢老嫗不須留與後人箋

四傑爭雄共一途不分後駱與前盧新聲早
已開溫季中晚詩人若合符

著力須求一字安不然終類沐猴冠眼前目
有驪珠在莫被前人一例謾

懷聖堂詩存卷二
驚人妙句問青天想到鴻蒙未闢前一代僊
才知已少移情何處覓成連

忠君愛國具深情上下三唐獨槩橫誰肯讀
書破萬卷煙雲自向筆端生

翦裁屬對見功深近體應憐作者心此是唐
賢開闢手莫教組織變元音

心肝嘔出總難休驢背年年作楚囚奴僕命
騷緣底事料應獨立到飛樓

秋水銚寒淬太阿長公風骨竟如何祗應天

授非人力莫怪詩中變調多

體格無庸號古今但教語淺味能深升堂入室
渾閒事得失還應在寸心

一時瑜亮妙無前天遣騷壇巨兩賢李杜光
芒真萬丈羣兒置喙最堪憐

鑿險絕幽獨運奇僅容賈孟漫追隨元輕白
俗紛紛是力挽狂瀾更有誰

嫁名韓偓欲誰欺綺語良非大雅宜深得美
人香草意算來只有義山知

才人自古無長處只在春風筆一枝此事諒
非人力到輸他子固不能詩

詩中麟閣本無基表聖功名亦可悲前有思
王後子美傾心已作向陽葵

覓句何嫌洗伐頻毫端原不著微塵最難信
手拈來處妙語天成分外新

風橫大海紫瀾迴奇語何煩結撰來早把唐
賢音調失濫觴安用罪歐梅

傳神豈在貌相親刻意追摹轉失真學杜爭

傳明七子可憐辛苦作詩人
妙論縱橫萬古春遺山旗幟一番新
目中早已無今古便覺高歌有鬼神
酒酣耳熱不知狂百代詩家再品量
猶有遺山遺橐在爲伊數短復論長

論袁太史詩

曹劉坐嘯空千古李杜登壇壇一時
底事隨園開捷徑人人解賦性靈詩

露筋祠

維舟近秦郵推窗月滿湖舟人指叢祠中祀
誰家姝豐碑載軼事當時嫂與姑嫂留姑飼
蚊噬齧無完膚只因瓜李嫌不敢愛微軀此
事古所難況爲巾幗徒洛水有羅襪漢臯有
明珠神仙詎如此得毋好事誣歛衽欲瞻拜
將行且踟躕昏莫禮所閑敢以幽明珠白蓮
當風開精靈疑與俱湖水有時乾貞氣充寰
區

寄題杭秀升明府琴鶴圖

原缺

種張廌竹淵明三徑未得歸松陰尙覆高人
屋潛陽一別幾春秋舊游歷歷如在日車乘
何翹翹招我賦同舟公門眾桃李一一從吾
遊座中敢說孟嘉異仲叔猪肝久相累句留
一載見深情從來投分關文字浮雲西北各
分馳武城薪木誰護持宦海波深不可測亡
羊得馬總如斯低徊往事心如結唾壺擊碎
歌聲歇欲續靈均天問篇九重高遠何從說
黃鵠磯頭日又曛相逢翹首喚吳雲閒身處

處容耕釣世事僅堪供一笑披圖不覺胸膈
涼竹韻松濤開萬竅長安道中車蓋飛茫茫
塵海誰同調松耶竹耶結契深悠然如見太
古心寄語五陵貴游客莫將車騎來相尋

竹夫人

憐卿歲歲負芳春林下餘風最可人豈爲熱
中諧伉儷還應嚼蠟視橫陳玲瓏體態天然
好淡泊情懷分外親織女牽牛同臥看銀牀
好夢不侵塵

偎香倚玉擅專房恰好良緣日正長當夕慣
能除熱惱承恩何必計炎涼爲憐弱質嬌扶
婢妙有靈心喜傍郎若問阿儂生長地夢魂
夜夜繞瀟湘

離合隨時總任他一年好似限銀河無言翻
覺溫柔少相對休嫌冷落多瘦損腰肢憐楚
女纏綿情緒憶湘娥生來一種清涼體蜀國
瓊人較若何

簾紋如水帳如煙只解溫存不鬪妍縱或逢

秋皆妾命未煩取冷攬耶眠願隨枕席常廝
守欲抱衾裯怕棄捐敵體幾曾愁並耦心虛
博得見猶憐

羅烈婦詩

荒郊夜雨秋憐綠哀絲莫奏雙黃鵠恨血干
年思婦花啼痕萬點湘娥竹羅家有婦含幽
芳郎君早歲驚乘羊端居臥疾憐吳質鵬來
賈舍知非祥神方無處尋山甫曼卿竟作蓉
城主終古難忘百歲盟願教魂託青陵樹粉

白鉛華塵久封頻年藥裹若爲容百端祈死

今方得弱息如絲畢此鍾

烈婦屢欲自裁家人防守不得間遂

服鉛粉以死

大府交章達天聽旌門表墓真輝映

人間爭續仲卿詩地下重圓樂昌鏡相從志
決死生輕緣會何須俟再生二南餘韻今猶
在江漢年年水自清

讀黃子壽廉訪呂烈婦傳書後

幽蘭抱素心慙劫香不改壯烈存紅閨怡然
卽危殆衛夫櫻狂寇嬌兒已菹醢戈矛紛相

投凜凜氣百倍餘息問夫免忍死若有待夫
生妾可死妾死夫何悔桓桓嵇侍中巾幗同
模楷殉身急君父古今幾人在孱焉一婦人
綱維扶千載披卷讀未竟不覺淚爲灑

寄吳漚香

漢臯木葉脫西風逼景短雲邊叫征鴈適從
衡陽轉衡陽何迢遞勞我愁中眼春時執君
手匆匆各星散判襪曾幾時倏然驚歲晚洞
庭波方深夢裏棹頻返知君愛吟詠秋來興

不淺儻成招隱篇郵筒莫辭遠

擬古寄卞中丞湘中

我讀屈平賦悠然懷瀟湘瀟湘足蘭芷對之
清肺腸眾草久蕪葳恐難容孤芳達人觀時
變寥廓思翱翔邏者意未厭吾欲歌迷陽遙
知南園鞠忍寒待舉觴

秋日懷卞叩門卽寄之

感秋縈百慮離懷倍悵觸分手倏經年流光
一何速境隔情彌親尺書時往復翩翩濁世

懷素言在
中吐氣成珠玉搏空奮六翮勉矣休瞻矚努力愛芳時我亦慙雌伏何當一尊酒西窗重翦燭遙看南飛鳥寸心與相逐

余以鄭樵山詩序寄示漚香序中述及吳湘帆讀書蕭寺時情況此丙寅丁卯兩歲間事也又二年而湘帆下世迄今二十餘年矣漚香覆書感舊語意悽惋余懷棖觸愴然賦此

悲酸說往事故人生死隔回首二十年忽忽

猶昨日寂寞蕭寺中風雨共晨多論心忘爾
汝披誠露肝膈嗟君負軼材早奮曹劉席賈
生促年命遽爾赴幽宅多應天帝醉椎碎荆
山壁茂陵富著作遺文多放失秋墳宿草衰
淚滿襟裋溼

金陵徐子箴秀才嫻算術僑居吾郡聞
余亦治算介劉謙甫約相見兩次余
不果往昨謙甫來言子箴西旋應試
以明算冠甯郡倏邁疾下世矣聞之

淒然

知君習九數好古得同志劉子致殷勤道君
意何摯未連禦寇牆同近晏嬰市煮茗蒙見
招遲我足音至竟慳半面緣兩度失交臂方
期訂後約帆挂正風利涼飈隕木葉江上渺
秋思賈生忽賦鵬薤露動哀吹神交有幾人
爲君一揮淚

輓陳雲珊

挂席金陵去歸舟爲底遲到家曾幾日一病

竟難支遺橐惟塵積斯文限數奇與君成永
訣卻在送君時

五百阿羅漢惟君最擅場

君工畫白描羅漢藉甚一時

多

應得解脫毋乃太匆忙少婦孤燈淚衰親兩
鬢霜生兒憐幼弱苦塊色淒涼

婚嫁何曾畢憐君賴有兄鴿原終古恨荆樹
一株榮夢斷詩難續壘吹調不成茫茫身後
事到此若爲情

廿載論交日匡居過從頻惟君性多僻於我

意偏親文字，疇知己功名。竟誤人同歸，期白首，遽爾反其真。

輓郭堯卿

煮茗清談歷歲時，連朝頓覺足音遲。忍寒那更衰相逼，君嚴冬尚未著裘小病何期勢不支。蕭寺

雪深誰贈藥，屋梁月落我題詩。莫言收骨無人問，有子鶉衣淚似絲。

可憐易篋尙吟哦，君彌留之際一息猶存不

放。過海內文章終論命，眼前朋輩愧登科。讐

書官閣徒枵腹

君應聘校淮南官書近因經費支絀脩膳屢闕

乞火

僧廬獲禮羅

君喜方外交寺僧多重君者

月窟探根圖幾

卷只愁埋沒委煙蘿

君精易學著圖說數卷

昨宵偶檢舊巾箱便面猶留草數行詩句纏

綿重交誼余懷棖觸益悲涼

君爲余書箑扇有贈劉佩卿詩

佩卿亦余老友數年前下世

縣疣附贅渾閒事睹物思人

總斷腸苦憶祝君初度日酒闌生死兩茫茫

十一月十五日與同人爲君補祝壽誕距君逝二十日

己丑下第與同人論文戲作

臺閣文章有定評一時變調竟風行
驍投玉女天爲笑犀燭江神水亦驚
苦向秦灰搜蠹出便從莊井作蛙鳴
諸君自是遭逢易還把刀圭示後生

山川輝映在樓臺面勢規行也要才
游客祇知尋勝境工師是否得良材
若教櫟社謀楹桷何必荒叢薙草萊
寄語當時幾宗匠莫將歧路費人猜

承恩不爲貌風流絕世容光轉自愁
洛浦神

如空含度嶺塘池阿母本蓬頭新粧早已嗔天
寶獨處無從覓蹇脩今日難爲張水部畫眉
深淺費推求

敢說浮名限數奇就中得失寸心知泥塗辱
我渾閒事寰宇從風在轉移振靡有誰裁僞
體好奇未可費前規莫嫌酒後狂言發卻是
寬饒未醉時

庚寅三月十六日納卷口古

一年歸夢隔天涯鎖院重來願已差獻賦問

誰精爾雅讀書悔我愛南華空餘郭隗臺邊
骨落盡文通筆底花至此真成文字劫六千
君子化蟲沙

偉臣下第南歸作詩留別卽和原韻贈
行

花事闌珊徧綠陰江南歸夢隔煙濤浮雲任
爾成衣狗明月依然照古今執手與君期後
約臨歧使我發鄉心竹西親友應相問爲道
疏狂是素襟

無題

送得春歸只黯然
落花如雨夢如煙
金徽有意翻新曲
玉鏡無從緝舊緣
渺渺三山風引去
盈盈一水石難填
班駘幾日游都懶
挑盡銀釭獨自眠

迴廊曲曲繞未楹
露重風多警夜行
臥砌靈燄空吠影
隔窗鸚鵡似呼名
簾前韓掾人千里
花底秦宮活一生
也識自家緣分淺
奈他傾國復傾城

依約來時與去時
人間留得影娥池
塵生羅襪無人見
釵挂臣冠有夢知
珠珮一雙成狡獪
猶金錢二萬誤佳期
桃花開盡僊源隔
爲底劉郎一例癡

雲母屏風玳瑁梁
雙棲海燕久爲鄉
琅玕空贈張平子
書札難通郭密香
但得西池常種竹
爲言東海莫栽桑
巫山縱有襄王夢
鐘動鷄鳴總斷腸

送義門南歸

繁蟬喧幽林落槐藉階砌之子忽言旋離尊
不成醉兼旬雨如注昨日始開霽歸心疾征
鳥驥駒門前繫人生有聚散不灑臨歧淚歸
途得新詩郵筒須頻寄

偶成

每到游山興勃然攀躋力竭志難堅誰知路
轉峯迴處靈境原來在眼前

采藥年年歷苦辛丹爐火劑更教純隳功每
在將成候不獨當年杜子春

四月十四日戲作

見說佳期是此宵青禽去後總無聊絳河清
淺經年別翠水彎環一舸遙江上久虛交甫
佩橋頭空憶玉人簫於今諳盡相思味莫使
朱顏鏡裏消

題袁司馬傾城送別圖

光緒龍飛十六載四方報政歌樂愷嚴君手
持圖一卷爲言濮陽舊賢宰披圖如讀去思
碑攀轅太息聲猶在放鶴亭前記舉觴手栽

官柳今成行婆娑共借韓宣樹護惜應同南
國棠飛符徵調急於火長才遷地無不可欲
借寇君借不得道旁父老氣爲塞祝公重來
公亦喜彼蒼茫茫安能測當車礙馬有芳草
公來何暮去何早馬爲長嘶車爲卻離筵淒
絕東門道我因茲圖意惘惘漢家循吏有嗣
誓但使牧民盡如此人躋仁壽物長養願公
他日攜琴鶴蒞我綠楊舊城郭

杭秀升丈六十初度寄詩祝之

楚雲南望路迢迢想見中堂絳蠟燒玉饋酒
添甘谷液行廚羹佐錦江椒寧馨戲採誇駒
齒僊侶稱觥倚鳳簫笑我郵筒無長物敢將
詩句當瓊瑤

錦鱗剖出腹中書露盞薺薇展讀初細數生
平託歌詠每懷鄉國羨樵漁雲鴻路迥看泡
影琴鶴圖成笑子虛入世愈深情愈澹還將
天地作蘧廬

知己還應屬後生濠梁爾日共移情未容高

會陪山簡苦憶長安滯馬卿刻燭遙知珽管
健傳杯卻好碧筒擎鄂王城下多佳日聽徹
仙人玉笛聲

臨風回首舞迴翔遙爲先生祝一觴甲子有
如無算爵鼎爐乞得大還方隱淪自古居朝
市世態由他變煥涼月自長圓杯自滿二千
里內共清光

寄懷義門用伯納韻

淒寫秋風笑寫春登壇旗鼓一時新南歸舟

繫淞江側應念羈人空賦尊

宣武城南數行柳秋來瘦盡一條條
隋隄風景如何似載酒應過廿四橋

山亭淪茗記前游笑指蒼茫說九州
今日君歸豪興減偶因南望一登樓

新霜易染愁中鬢聖火難然燼後灰
努力春華莫孤負承明廬下好重來

題翁孺安女史畫蘭小冊和原韻與伯

納同作

幽香猶向劫餘存
合受花中九錫尊
楚佩陸離憐瘦影
吳綾剝蝕寫芳魂
愁生北渚人何在
秋到空山月共溫
拳石相依伴岑寂
任他凡卉一盆盆

題張憶孃簪花小像卷子

伯納示余此冊卽隨園老人所謂國
初諸老鍾情甚袖角裊邊半姓名者
是也余何人斯敢爲狗尾之續然美
入遺韻老輩風流展玩之餘足徵眼

福情不自禁聊託短吟工拙所不計
也

豔說當時歌舞筵繁華銷歇已成煙傳神留
得驚鴻影猶使人間覩盛年

不作梁家墮馬粧青縑籠額黛眉長無言小
立東風裏采得幽蘭插鬢傍

結束娉婷香乍熏掌中飛燕欲乘雲賴他名
輩風流句閣住留德六幅裘

游倦樊川感鬢絲垂楊何處繫斑駁披圖得

識春風面算是曾經滄海時

哭史蓮叔

五載蹉跎問訊疏雲山迢遞渺愁予傳來凶
問翻疑誤悟徹浮生總是虛家有玉麟情幼
弱符分銅虎靳真除風前一慟君知否正是
秋林葉墜初

記得相逢少小年青鬢影照華筵徵歌酒
滿春生座賭墅棋終月墮天往事依然猶昨
日豪情爾許化秋煙傷心膺有招魂賦燈影

憧憧不忍眠